



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL  
PANELI ZGJEDHOR PËR ANKESA DHE PARASHTRESA  
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.237/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtaret: Kujtim Pasuli kryesues, Hajriz Hoti dhe Ramush Bardiqi anëtarë, duke vendosur përkitazi me ankesën e subjektit politik Lëvizja Vetëvendosje (LVV), me seli në Prishtinë ka paraqitur ankesë kundër Subjektit Politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore për Kuvendin e Republikës së Kosovës, që do të mbahen më datë 09 Shkurt 2025, në seancën e panelit të mbajtur më datë 30.01.2025, merr këtë:

#### V E N D I M

- I. Pranohet e bazuar ankesa e subjektit politik Lëvizja Vetëvendosje (LVV), me seli në Prishtinë, Anr.237/2025 e datës 29.01.2025.
- II. Subjektit politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjobë në lartësi prej 10.000 (Dhjetëmijë) euro
- III. Detyrohet Subjekti politik Partia Demokratike e Kosovës (PDK), me seli në Prishtinë, që gjobën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

#### A r s y e t i m

Me datë 29.01.2025 PZAP-i ka pranuar një ankesë nga subjekti politik Lëvizja Vetëvendosje (LVV), me të cilën pretendon se më datë 27.01.2025 në tubimin e planifikuar nga LVV në Skenderaj, simpatizantët dhe aktivistë të PDK-së, fillimisht brohoritën, fishkëllyen dhe hodhën fishekzjarrë në drejtim të organizuesve, qytetarëve dhe kandidatëve për deputet të LVV-së me qëllim që ta pengojnë dhe ta shtyjnë tubimin në kohën e planifikuar nga LVV në Skenderaj. Parashtruesi i ankesës thekson se në fillim përkrahësit, simpatizantët dhe aktivistët e PDK-së brohoritën në vazhdimësi “Albin rrenci”, “Hashim Thaçi.....” dhe gjithashtu hodhën mjete piroteknike në drejtim të qytetarëve pjesëmarrës në tubimin e LVV-së të organizuar në Shtëpinë e Kulturës “Hasan Prishtina” në Skenderaj. Te njëjtë në ankesë theksojnë se për shkak të këtyre veprimeve dhe pengesave të vazhdueshme, fyerjeve dhe po ashtu ndërprerjes së rrymës elektrike për një kohë të caktuar tubimi i LVV në Skenderaj u pengua dhe kështu tubimi i tillë u shty përafërsisht për 30 minuta. Me tej parashtruesi i ankesës thekson se aktivistet dhe mbështetësit e PDK-se me brohoritje dhe fishekzjarrë dhe fishkëllima bërtisnin “PDK” “Poshtë Udbasha-at” “Zdravo”. Parashtruesi i ankesës thekson se me këto veprime është shkelur neni 34 paragrafi 1 nen paragrafi 1.4; 1.7 ne lidhje me nenin 1.11.

Si provë që dëshmon shkeljen e pretenduar ka bashkangjitur një CD. dhe linçet për shkeljen e pretenduar, dhe reagimet e OJQ-ve.

Në përgjigje në ankesë të paraqitur me datë 30.01.2025 subjekti politik PDK ka theksuar se pala ankuese nuk ka arritur që ta argumentoj përgjegjësinë subjektive ndaj subjektit politik PDK dhe se ankuesi me asnjë prove nuk ka arritur që të beje ndërlidhjen e veprimeve të pjesëmarrësve të përfshirë në këtë ngjarje me përgjegjësinë e subjektit politik PDK mirëpo të njëjtit janë mjaftuar vetëm me pretendimin se të njëjtit janë simpatizant dhe aktivist të PDK-se. Në përgjigje në ankese më tutje theksohet se PDK dega në Skenderaj me datën 27.01.2025 ka anuluar të gjitha aktivitetet politike për shkak të një aksidenti të ndodhur në fshatin Qubrel të Skenderajt dhe mbi këtë baze thekson se pretendimi se aktivistet dhe simpatizantët e PDK-se janë të përfshirë nuk qëndron, dhe për këtë arsye janë deklaruar edhe zyrtaret e lartë të PDK-se janë distancuar nga veprimet e tilla. E njëjta në përgjigje në ankese thekson se ekzistojnë dyshimet se një incident i tillë ka mundur të jete inskenuar nga vete simpatizantët e subjektit politik LVV me qëllim që të dëmtohet subjekti politik PDK, dhe të njëjtit kërkojnë që të refuzohet ankesa.

PZAP-i, pasi që shqyrtoj dhe vlerësoi ankesën gjeti se:

Ankesa është e bazuar

Paneli, pas shikimit të CD të ofruar si provë materiale, ka vërejtur se në tubimin e subjektit politik LVV të mbajtur në Skenderaj në Shtëpinë e Kulturës “Hasan Prishtina” në Skenderaj, simpatizantët dhe aktivistët të PDK-së me qëllim që ta pengojnë zhvillimin e fushatës zgjedhore të subjektit politikë ankues LVV, kanë penguar mbajtjen e tubimit publik ku me atë rast, kanë brohoritur dhe fishkëlluar dhe më pastaj kanë hedhur mjete piroteknike dhe fishekzjarrë në drejtim të organizuesve, qytetarëve dhe kandidatëve për deputet të LVV-së . Gjatë kësaj kohe të njetit në vazhdimësi kanë brohoritur “Hashim Thaçi.....” “PDK.....PDK”, “Posht Udbasha-at”, “Zdravo”, Albin rrenci”.

Andaj për Panelin përdorimi i një gjuhe të tillë është në kundërshtim me nenin 34 paragrafi 1 nën paragrafi 1.4; 1.7 dhe 1.11, e LZP-së, me të cilën përcaktohet: *“Gjatë periudhës së fushatës, subjekti politik, mbështetësit ose kandidatët e tij, ndalohej nga bërja e ndonjëres si në vijim: çrregullimi i tubimeve të subjekteve tjera politike ose nxitja e të tjerëve për një veprim të tillë, kërcënim i ose tentimi për të kërcënuar subjektet tjera politike, përkrahësit ose kandidatet e tyre, përdorimi i gjuhës, në formën e shkruar ose gojore, që nxit ose provokon, ose që mund të nxisë ose provokojë, një person tjetër për të kryer një akt të dhunës kundër personave tjerë ose pasurisë, ose e cila nxit apo mund të nxisë urrejtje kundrejt të tjerëve ose duke publikuar ose përdorur fotografi, simbole ose çfarëdo materiali tjetër që ka ose mund të ketë ndikim të tillë”.*

Neni 120 paragrafi 1 nën paragrafi 1.3 të LZP-së thekson se në rast se PZAP përcakton se ka ndodhur shkelje e të këtij ligji ose e rregullave të KQZ-së, mundet të vendosë një gjobë ndaj një subjekti politik, në vlerë deri në pesëdhjetëmijë (50,000.00) Euro.

Sipas Panelit nga përmbajtja e video incizimeve shihet se në veprimet e simpatizantëve të subjektit politik PDK është përdorë gjuhë fyese, nxitëse dhe urrejtëse kundrejt të tjerëve si dhe kanë penguar mbajtjen e tubimit në kuadër të fushatës zgjedhore, duke hedhur mjete piroteknike dhe fishekzjarrë e cila ka ndikuar në shtyrjen e mbajtjes së tubimit dhe se kjo konsiderohet shkelje e rregullave zgjedhore në Kosovë, ngase veprimi i marrë në kohë të fushatës zgjedhore, konteksti dhe masa që i është drejtuar ka për qëllim të krijojë atmosferë tensioni ose të nxisë ndjenja të urrejtjes dhe të përçarjes. Paneli vlerëson se partitë dhe kandidatët dhe simpatizantët e tyre janë të detyruar të respektojnë etikën zgjedhore dhe të shmangin veprime që mund të sjellin pasiguri apo të përkeqësojnë atmosferën politike dhe në përgjithësi atmosfere destabiliteti. Përdorimi i gjuhës, së tillë si dhe veprimet të cilat kanë për qëllim çrregullimi i tubimeve të subjekteve tjera politike mund të dëmtojnë procesin

demokratik dhe të rrisë tensionet në vend. Kjo është një shkelje e rregullave që kërkojnë një fushatë paqësore, të ndershme dhe të drejtpërdrejtë.

Andaj Paneli gjeti se veprimet e tilla të subjektit politik PDK janë në kundërshtim me Kodin e Mirësjelljes për Subjektet Politike, Mbështetësit e tyre dhe Kandidatët gjegjësisht me dispozitat e nenit 34 LZP-së ku janë të përcaktuara veprimet e ndaluara të subjekteve politike dhe me këto veprime janë shkelur dispozitat e nenit 34 paragrafi 1 nën 1.4, 1.7 dhe 1.11 të LZP-së.

Paneli, me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, pjesëmarrjen e subjektit në fjalë në zgjedhjet e mëparshme që konsiston në faktin se subjekti politik PDK, ka qenë i njoftuar me obligimet dhe përgjegjësit gjatë procesit të fushatës, shkeljet e Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me rregullat zgjedhore.

Përveç të cekurave më lartë Paneli, me rastin e vendosjes i vlerësoi edhe të gjitha pretendimet e subjektit politik PDK, në kuadër të pretendimeve të theksuara në përgjigje në ankesë, ku nga kjo përgjigje i njëjti e mohon shkeljen e bërë, andaj pretendimet e parashtruar në përgjigje në ankesë për Panelin janë të pabazuara.

Nga arsyet e theksuara me lart, e në kuptim të nenit 34 paragrafi 1 nën 1.4, 1.7, 1.11, neni 118 paragraf 1 dhe neni 120 paragrafi 1 nën paragrafi 1.3 të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrës  
Anr. 237/2025 më datë 30.01.2025



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.